


www.BibleForChildren.org




Dion 14



Sa Disas ka bae 'urii fua toa kwairooi nia ki, "Kamolu
nao molu si manata isifufuli lau. Molu manata mamana
'ana God, ma molu ka manata mamana 'ani nau. Si
kadaluma 'oro mamana gu ne nii 'ana luma nia Maa
nau. Lea sae si doo nai ka nao si mamana guu, nau
'afitai ku saea
fuamolu."



"Nau kwai lea uri seeri, uri ku ade akau 'ana si kula fuamolu. Ma si kada nau kwai lea kwai ade akau 'ana si kula fuamolu lelea ka sui, nau kwai oli lau gu mai uri ku talai kamolu lea molu ka too kwaimani fai nau, uri molu ka too lau gu fai nau 'ana si kula ne ku too ai."



Ni nau sa Dion ne, na toolamolu ma na waa
kwaimani kamolu, suli ku manata mamana lau
guu 'ana sa Disas. Nau, kera da ilimatai

nau lau guu mala 'ani
kamolu 'i nunufana




sa Disas na waa
'inito kia ma sui ku
mamarato lau guu 'i
farana ilimataia
mala 'ani kamolu.




Nau ne kera dau nau ma daka alu nau naa laona
auaua nee 'i Batamos, suli ku faatalongainia
bae lana God ma na doo neki sa


Disas 'e faatainia.



Ma 'ana si kada nai 'ua guu, na Anoedoo Abu ka
talai nau naa, ma nau ku nii naku 'i salo. Ma nau ku
suana doo ni goorua 'ana 'initoaa ma tii waa nai ka
gooru laona.



Sui nau ku rongo lau guu na doo mauri ki sui guu fasi
'i salo ma lao ano nee ma fasi farana ano nee ma 'i
laona asi, kera sui da nguu daka
'urii, "Na dianae ma na taloe ma
na 'initoae ma na rigitae ne totoo
firi totoo sui, na doo nia waa ne
gooru laona doo
ni goorua 'ana
'initoaa ma
doo nia kale
Sifsif nee."



Ma nau ku suana fera baita abu nai, na Durusalem
falu 'e sifo na mai faasia God 'i salo. Ma daka ade
akau 'ani nia mala 'ana ta keni fungao ne da laungia
sui naa uri toda lana arai nia. Ma nau ku rongo tii
lingee doo baita 'e bae mai faasia na dooni goorua nai

'ana 'initoaa

ka 'urii, "Si

kula ni too nia

God 'e nii na

siana toaa nia ki.

Ma tara nia kai too


na fai kera ma ni

kera na toaa nia ki


naa. Ma God 'i tala'ana

tara kai too fai kera ma


ni nia na God kera naa."



Na 'ensel nai ka faatainia lau guu fuaku na kafo baita
nai 'ana mauria, nai 'e sasaolia mala 'ana ta gilasi ne
busu mai faasia na doo ni goorua nia God 'ana 'initoaa
ma na Kale Sifsif, ma ka igwa ka liu lao tofungana
tala baita nai laona maefera baita nai.



Na maefera baita nai, 'e nao dasi dooria naa na
sato ma nao madame uri ka tala fuai. Suli na rara
lana God naa ne talafia ma na Kale Sifsif nai naa
ne kwesu fuai.



Aia, ka nao tasi doo ne bilia ma nao ta wane ne ilia
tasi doo ni 'ide lae faafia ma nao ta wane ne suke
tara ka ruu laona maefera baita
nai. Taifilia guu na toaa
neki da kedaa na satada ki
laona buka 'ana mauria
nia Kale Sifsif nai ne
tara dai ruu laona
maefera baita nai.



"Ma nia tara kai usua naa si kafo 'ana angia fasi
maada ki. Na maea ma na liodila lae ma na angie fai
nonifiie tara kai sui naa, suli na doo
baki 'i nao da sui naa."




Aia, ma ta doo 'ana doo neki God nao si dooria 'afitai
naa ka too laona fera baita nai. Ma na doo ni goorua
nia God 'ana 'initoaa ma na Kale Sifsif ka nii seeri
laona fera baita nai, ma na wane ni rao nia ki daka
faabaita nia naa.


Ma kera daka suana
maana God fai na
satana nai da kedaa
'i madarada ki.




Sui nau ku suana lau guu na toaa mae ki sui guu, na toaa 'initoe ki ma toaa mala kera ki, da uu 'i naofana doo nai ni goorua 'ana 'initoae. Ma God ka fuea naa buka nai ki. Ma ka fuea naa ta buka lau, na buka nai 'e too 'ana satana toaa ne tara daka mauri. Ma God ka ketoa naa toaa mae ki suliasi doo ki ne da ilida ki, ka lea na sulia doo da kedaa ki 'i laona buka nai ki. Ma wane ne satana nao si nii laona buka 'ana mauria, God kai 'ui 'ani nia lau guu laona asi nai 'ana ere.



Ma na Anoedoo Abu fainia na keni fungao nai, keerua
daru ka bae na 'urii fua sa Disas, "'O lea na mai!"



Aia, ma tii gwana ne nia rongo si doo nai, alu nia bae
lau gu 'urii, "'O lea mai!" Ma 'uri nai, tii gwana ne
maeli kuu uri si kafo 'ana mauria, 'oe lea mai uri 'oko
ngali 'amua si kafo ni mauria ne nao 'osi usia lau.



God nia liosau 'asia naa 'ana wane
laona fera ne 'i saegano, nia ka falea
mai tii fa 'Alakwa 'autania nia uri tii
gwana ne manata mamana 'ani nia,
nia ka nao si funu. Nia 'e too
naa 'ana mauria firi.



Rom 3:23 Suli wane ki sui guu da abulo ta'aa ma daka oli kukuru faasia 'initoaa God. Suli na abulo ta'aa lae naa ne kai falea mae. Aia ma na fale tatakwai laa nia God fuakolu lau 'ana ne na mauria firi 'i nunufana Aofia kolu sa Disas Kraes.

Rom 6:23 Suli na abulo ta'aa lae naa ne kai falea mae. Aia ma na fale tatakwai laa nia God fuakolu lau 'ana ne na mauria firi 'i nunufana Aofia kolu sa Disas Kraes.

Hibrus 9:27 Aia, toaa lao molaagali nee, da mae 'ana tii si kada guu, sui burina God ka keto kera naa.



'Efesas 2:8,9 Suli ne God nia ade diana tasa fuamolu, nia ka faamauri kamolu si kada kamolu molu manata mamana 'ani nia. Nao lau nunufana tasi raoa ne molu ilia 'i tala'amolu. Na mauria falu nai, na fale tatakwai laa nia God lau gwana fuamolu. Nia ne adea 'afitai ta waa ka bae naunau lau sulia mauria falu nee, suli God nao si falea lau mai uri maana tasi raoa ne kolu ilia.

Rom 10:9,10 Lea 'oe 'o bae folaa 'i maana toae ki sulia sa Disas nia Aofia 'oe naa, ma 'oko manata mamana naa ne God 'e tatae nia faasia maea, God kai faamauri 'oe. Suli na wane ne nia manata mamana 'ana sa Disas laona mauria nia, nia ne wane 'o'olo 'i maana God. Ma na wane ne nia bae folaa 'i maana toae ki sulia sa Disas na Aofia, na wane nai ne God kai faamauri nia.



Dion 3:16,17 God nia liosau 'asia naa 'ana wane laona
fera ne 'i saegano, nia ka falea mai tii fa 'Alakwa
'autania nia uri tii gwana ne manata mamana 'ani nia, nia
ka nao si funu. Nia 'e too naa 'ana mauria firi.
God, nia nao si falea mai 'Alakwa nia uri laona fera ne 'i
saegano uri kwae lana wane laona fera ne 'i saegano. God
nia fale nia lau 'ana mai uri ka faamauri kera.

1 Dion 5:11-13 Aia, si baea mamana nee sulia 'Alakwa God
nia 'urii: God nia falea sui naa mauri firi fuakolu, ma na
mauria firi nai 'e lea mai faasia 'Alakwa God. Tii ne nia
too 'ana 'Alakwa God, nia too 'ana maurie firi. Ma tii ne
nia nao si too 'ana 'Alakwa God, nia nao si too 'ana
mauria firi. Nau ku kedaa kau doo nai ki fuamolu toaa ne
molu manata mamana 'ana 'Alakwa God, uri molu ka
saitomana ne molu too naa 'ana mauria firi.



Dion 14; 2 Koren 5;
Na Faatai lae. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Baeggu Bible (bvd) © 2016, Wycliffe Bible Translators,
Inc. All rights reserved.

<https://live.bible.is/bible/BVDWBT/MAT/1>

©2026 Bible for Children, Inc.

www.M1914.org

www.bibleforchildren.org

